



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU PRIVREDNOG NARODNOG POKRETA BOSNE I HEREGOVINE

Broj: 03-07-6-705/13  
Sarajevo, 1. april 2014. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE.....	5
5.1. NALAZI REVIZIJE.....	5
5.2. PREPORUKE .....	7

## **MISLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Privrednog narodnog pokreta Bosne i Hercegovine za 2012. godinu<sup>1</sup>.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i odredbama poglavlja 15 Izbornog zakona BiH, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2012. godinu, utvrđeno je da je Privredni narodni pokret Bosne i Hercegovine prekršio odredbe člana 11. stav (1) i stav (2) Zakona o finansiranju političkih stranaka, koji je bio na snazi do 04.12.2012. godine i člana 11. Zakona o finansiranju političkih stranaka, koji je na snazi od 05.12.2012. godine i odredbe člana 15. 1 stav (1) Izbornog zakona Bosne i Hercegovine.**

**Pregledom, odnosno kontrolom finansijskih izvještaja, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

---

<sup>1</sup> Politička stranka nije podnijela finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Privrednog narodnog pokreta Bosne i Hercegovine za 2012. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Privredni narodni pokret Bosne i Hercegovine je ostvario prihod u iznosu od 3.460,00 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00%
2	Prilozi fizičkih lica	2.200,00	63,58%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	1.260,00	36,42%
	<b>Ukupni prihodi:</b>	<b>3.460,00</b>	<b>100,00%</b>

U godišnjem finansijskom izvještaju Privredni narodni pokret Bosne i Hercegovine je iskazao ukupne rashode u iznosu od 3.460,00 KM.

## 2. PREDSTAVLJANJE POLITIČKE STRANKE

Naziv političke stranke je Privredni narodni pokret Bosne i Hercegovine. Skraćeni naziv je PNP BIH.

Privredni narodni pokret Bosne i Hercegovine je Rješenjem Osnovnog suda u Banja Luci, broj: Rp-3/12 od 21.05.2012. godine upisan u sudski registar političkih organizacija.

Sjedište političke stranke je u Banja Luci. U finansijskom izvještaju, kao adresa političke stranke, navodena je Banja Luka, ul. Radoja Domanovića bb.

Lice ovlašteno za zastupanje stranke je Dušan Latinčić, predsjednik stranke.

Lice ovlašteno za podnošenje finansijskih izvještaja za 2012. godinu je Branislava Đukić.

Prema podacima iz finansijskog izvještaja Privrednog narodnog pokreta Bosne i Hercegovine nema niže nivo organizovanja.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Privrednog narodnog pokreta Bosne i Hercegovine za 2012. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Privrednog narodnog pokreta Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica i prihode iz budžeta, kao i troškove izborne kampanje.

### **4. PRETHODNE KONTROLE I REVIZIJE**

Kontrola finansijskog izvještaja Privrednog narodnog pokreta Bosne i Hercegovine se obavlja prvi put.

### **5. NALAZI I PREPORUKE REVIZIJE**

#### **5.1. NALAZI REVIZIJE**

- a) **Pregledom godišnjeg finansijskog izvještaja za 2012. godinu, utvrđeno je da je Privredni narodni pokret Bosne i Hercegovine prekršio odredbe člana 11. stav (1) Zakona o finansiranju političkih stranaka, koji je bio na snazi do 04.12.2012. godine i člana 11. Zakona o finansiranju političkih stranaka, koji je na snazi od 05.12.2012. godine.**

Na osnovu finansijskog izvještaja i finansijske dokumentacije koju je na zahtjev Centralne izborne komisije Bosne i Hercegovine dostavila politička stranka, utvrđeno je da ista nije uspostavila potpune evidencije o svojim prihodima i rashodima, čime je prekršila odredbe člana 11. stav (1) Zakona o finansiranju<sup>2</sup> i odredbe člana 11. Zakona o finansiranju političkih stranaka<sup>3</sup>, koji je na snazi od 05.12.2012. godine i nije podnijela finansijski izvještaj za period izborne kampanje, na način kako je utvrđeno Izbornim zakonom BiH, čime je prekršila odredbe člana 11. stav (2) Zakona o finansiranju<sup>4</sup>.

---

<sup>2</sup> U skladu sa odredbom člana 11. stav (1) Zakona o finansiranju političkih stranaka, koji je bio na snazi do 04.12.2012. godine, stranka je bila obavezna voditi evidencije o svojim prihodima i rashodima.

<sup>3</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom.

<sup>4</sup> Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

Uvidom u dostavljenu dokumentaciju, utvrđeno je da Privredni narodni pokret Bosne i Hercegovine nije vodio poslovne knjige u skladu sa zakonskim propisima, već je evidencije o prihodima i rashodima vodio putem knjige prihoda i knjige rashoda, a koje su predviđene za fizička lica koja nastupaju kao samostalni preduzetnici.

**b) Privredni narodni pokret Bosne i Hercegovine nije ispoštovao odredbe člana 11. stav (2) Zakona o finansiranju političkih stranaka, koji je bio na snazi do 04.12.2012. godine i člana 15. 1 stav (1) Izbornog zakona Bosne i Hercegovine.**

Privredni narodni pokret Bosne i Hercegovine nije podnio finansijski izvještaj za period od dana podnošenja prijave za ovjeru za izbore do dana ovjere rezultata izbora, čime je prekršio odredbe člana 11. stav (2) Zakona o finansiranju političkih stranaka i odredbe 15. 1 stav (1) izbornog zakona Bosne i Hercegovine<sup>5</sup>.

### **Troškovi izborne kampanje**

Privredni narodni pokret Bosne i Hercegovine je u godišnjem finansijskom izvještaju za 2012. godinu iskazao troškove izborne kampanje u okviru limita utvrđenog u članu 15.10 Izbornog zakona Bosne i Hercegovine.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>6</sup> po biraču u svakom izbornom krugu, prema broju birača koje je objavila Centralna izborna komisija BiH.

Prema podacima iz godišnjeg finansijskog izvještaja, u svrhu izborne kampanje Privredni narodni pokret Bosne i Hercegovine je ostvario troškove u iznosu od 458,64 KM, iako je prema podacima Centralne izborne komisije BiH, na osnovu broja birača, mogla potrošiti 60.548,70 KM.

## **5.2. PREPORUKE**

***Preporučuje se Privrednom narodnom pokretu Bosne i Hercegovine da se pridržava odredaba Zakona o finansiranju političkih stranaka i odredaba poglavlja 15. Izbornog zakona BiH, a posebno na osnovu uočenih nedostataka se preporučuje:***

- ***da uspostavi potpune evidencije o svim prihodima i rashodima stranke,***

---

<sup>5</sup> Politička stranka koja je učestvovala na izborima za organe vlasti Bosne i Hercegovine na svim nivoima dužna je Centralnoj izbornoj komisiji BiH podnijeti finansijski izvještaj za period od dana podnošenja prijave za ovjeru za izbore do dana ovjere rezultata izbora. Ovaj izvještaji sadrži sljedeće podatke: raspoloživu gotovinu; sve prihode uključujući i priloge u obliku robe i usluga; identitet donatora bilo u novcu ili u naturi, kao i identitet lica koje je primilo takvu donaciju koja premašuje iznos od stotinu (100) konvertibilnih maraka, zajedno sa datumom i iznosom takve uplate; ukupan iznos svih dospjelih dugovanja i ukupan iznos isplata po sljedećim osnovama: troškovi štampanja plakata i plakatiranja, troškovi štampanja predizbornih oglasa, proglašenja, saopštenja i sl. u javnim glasilima, troškovi organizacije i održavanja predizbornih skupova i troškovi štampanja, reprodukcije i slanja predizbornog materijala koji se šalje biračima; i iznos i vrstu neizmirenih dugova i obaveza.

<sup>6</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da u izornoj godini podnosi finansijske izvještaje na način propisan u članu 15.1 stav (1) Izbornog zakona BiH.*

## **KOMENTAR**

Privredni narodni pokret Bosne i Hercegovine nije se očitovao na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2012. godinu koji je stranci dostavljen 05.02.2014. godine.

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc. Hasida Gušić